



ル 5
3283
3



門 凡 5
號 3283
卷 3

靖江縣志卷五

食貨志

洪範八政首食與貨民生於是乎在列之以
土產五行生息物華萃焉定之以鹽法五味
薦羞市價平焉風俗有千里百里之殊大抵
不遠人情由是而方言而農歌而占候猶有
擊壤遺音皆甚切於小民爲輜軒採訪所不
遺者志食貨

土產

昭和十八年
八月十八日
購末

麥有大麥牟也有早晚二色或四稜或六稜小麥來也亦傲早晚二色有舜哥有紫稗元麥俗呼曰穞三月熟者帶青炒食磨之似新蠶又稞者曰舜麥色稍赤均可飯蕎麥小暑種十月收粒三稜皮黑花白可爲粉食旱乃種

稻有穞秣也先熟易落曰蚤白穞皮薄易釀曰晚白穞芒赤米白曰虎皮穞晚熟性軟色芳曰羊脂穞稗硬曰鐵梗穞皮厚曰姜黃穞蚤種宜釀曰趕陳穞雖熟不枯曰青枝穞稗柔可爲索曰麻筋穞香

勝於香秣曰香穞旱種曰撇殺天有稞粘也米白早熟曰早黃川粒大性軟曰晚黃川又有曰晚青川米長性硬曰紅白粃粒大而佳曰蚤紅蓮蚤熟曰救公飢曰拖犁歸圓碩見收曰粃六升瘿長雪色曰箭子稻中秋熟曰閃西風初秋可蒔曰六十日曰烏口稻皮芒稍黑和他米炊之甚香曰香滋米皆九十月穫

菽俗名豆日用不可缺爲腐爲油爲粉爲屑菜豆產江淮產於本邑者粒有大小色有青黃紫黑之別

蠶豆粒最大採以蠶月豌豆粒最小與麥同種收
又有細小者曰安豆亦可作腐皆豆之屬也青色
者粒大味美曰扁蒲粒圓多實曰圓珠翠碧粒小
曰茶青其淡碧而味色絕美者曰白果六月拔八
月枯烏眼黃粒有黑眼水面白粒大品佳麻皮黃
牛墾庄兔子圓雞趾黃獐皮黃皆黃色之屬也色
紫者僧衣香珠蓮心三種並妙烏香珠大黑子則
黑之屬外有五色雜而宜飯者俗呼赤豆其粒細
而長蔓生者曰蟹眼早收者曰麻熟其他豇豆帶

豆猶列穀食刀豆扁豆則蔬品也

黍有秠糯紅黑各種

稷有秠糯青黃各種

曰禾曰米黍稷稻粱之摠稱梁又黍稷之摠稱凡
米之有鄂殼者皆稱梁亦稱粟夫稻與菽麥夫人
盡知之獨黍稷二種農人或多未辨考通志稷苗
穗似蘆而米可食徐鉉云楚人謂之稷關中謂之
糜是皆誤以黍為稷也七修類稿黍即今小米是
又以稷為黍也惟考穀譜黍一名蘆稜一名蘆粟
山堂肆考黍苗似蘆高丈餘穗黑色實圓重是即
今所謂高粱者曲洧遺文稷西北人呼為梁子其
熟與麥相先後是即今所謂小米子
者區以別焉庶免無慧之譏云耳

麻有黑白二色總曰芝麻白者宜油黑者曰胡麻一

名巨勝餌之延年若皮可漚而績者曰繒曰芒曰葛曰花花即木芙蓉皮也

明知縣殷雲霄勸農文當職久病假息田畝數年近朝廷記憶授此官來實疎庸疲薊不堪事懼無惠利及民上負朝廷愛養斯民意茲迎春東郊閭邑父老子弟咸來觀因以告諭吾民夫民以食為生食以農為本其獲也必盛所以培之者其成也必去所以害之者相其土宜糞其田壤利其器用時其耕耨慎其灌溉勤其力役茲猶培其未父子有親兄弟有敬夫婦有正子弟有學親戚有恩鄉間有禮徵役有供法憲有畏則無怨於內外無怨於上下自可以盡力於農茲乃培之大疎以害其全緩以害其時惰以害其成味以害其宜茲猶其小者味禮義則害德寡恩愛則害家犯刑憲則害身競貨利則害義耽麴藥則害性縱侈費則害財逐爭訟則害業崇佛老則害正有一於此皆害之

木以利器用邑無大澤深山匠石罕顧然厥土宜楊

江臯堤畔所在有之此外若檜若柏若石楠若冬

青若白楊用表墟墓楮榆槐棟藉蔭門廬剔牙松

觀音柳桐梓黃楊可媚園亭桑柘供蠶作棘槿編

籬落其他若樟若椿初生葉香可食若柏若楓若櫻櫚黃

棟初生葉香可點茶夜合枸骨枳等多生叢薄其質堅可

用者曰檀與楮桑等若樗若陰樸恒以不材終天

年矣

竹產靖最多獨無毛竹鄉居舍後各有竹園竹萌最

早風味絕勝稱佳品者曰燕竹以燕子來時笋即出也其柔韌可治篾者曰淡竹質厚而堅曰笙竹材更佳於淡竹者曰水竹皮點點可作器者曰斑竹又文理細而花者曰湘妃竹色黃而修幹者曰黃竿竹解籜隔歲而紫者曰紫竹冬笋外長夏笋內長者曰慈孝竹又有堅瘦實中曰石竹曰鳳尾瀟湘供盆盎之玩若社竹灰竹苦竹直竹之下品耳其亭亭雪中砂粒叢綴本非竹種強名天竹云花之木本者其妝舒兩歲曰梅有香似梅而實非梅

大若安養之無道教導之無方禁奸之不密聽訟之不明徵賦之無名力役之不時俾速戾於吾民以害於農則吾有司者之責茲當日夜警戒求無愧於吾民無負於朝廷吾民其亦體此意無忽菜之類不一曰芥曰菘曰箭幹曰蒼蓬曰苦苣曰莧

曰韭曰蔥曰蒜曰胡荽曰菠稜曰蒿苳曰萊服有紅白二種其野生者曰薺曰蒿曰馬蘭曰灰蓼其澤生者曰茨姑曰菱白其蔓生者曰瓜有東西香甜絲南苦各種而西瓜又有青白長圓之別匏瓜有三種惟盤匏可食其蔓生而食根者曰薯蕷名一

山藥曰香芋蜀人呼為蹲鴟曰落花生花間滴露而生曰天

茄曰黃獨若茄則植之場圃芋則種之邱隴均有
資於蔬食者與竹笋同列之菜宜也

木實曰果果之最佳者惟桃與柿桃香甜離核大者
兩枚斤許柿乾囊無核產泰興者最易混之而味
色迥別其他若梅若李若杏若梨若栗若棗若橙
橘若櫻桃若枇杷若銀杏若胡桃若林禽所在有
之不以專名若香櫟則繁碩而香似又倍於他處
矣其他若葡萄若菱芡若蓮藕若葶薺雖非木實
厥類用之其為果均矣

者曰臘梅有狗蠅素色報中春日杏春深爭艷曰

桃曰李桃有紅白山查海棠有西府垂絲玉蘭木

筆杜鵑牡丹有玉樓春小桃紫荆梔子繡球有紫

種八仙芙蓉木樨郁李瑞香榴花紫薇木本而刺

者有木香有黃白薔薇茶薜玫瑰刺莓月季十姊

妹佛見笑迎春萬年春等草本則蘭蕙芍藥金錢

玉簪長春夜合荷花石竹水仙麗春含笑宜男天

棘葵有荆蜀秋冬之分剪春羅剪秋羅秋牡丹秋

海棠雒陽渥丹鳳仙雞冠罌粟秋香滴滴金虞美

人藤蔓而花者凌霄紫藤錦帶鐵線蓮菊多奇種
具范其他草花惟棉花衣被民生不可以花褻之
氏譜
者

草有菖蒲虎鬚繡墩鳳尾芭蕉吉祥翠雲書帶薜蘿
映山紅萬年青千年蘊其他野生不能悉志

藥材貴於道地否則蕭敷而已紫蘇白芷川芎藿香
枸杞紅花白蘇天麻槐花胡麻茺萸半夏木賊蒼
耳良薑木瓜甘菊貝母荆芥枳殼香附陳皮粟殼
商陸蟾蜍續斷篇蓄澤蘭枳實地黃前胡薏苡仁

槐角子地骨皮五加皮益母草葶藶草車前子魚
腥草香附子楮實子地膚子牛蒡子鶴膝草夜合
子見腫消火丹草女貞子天花粉金銀花瓜萸仁
麥門冬蒲公英桑白皮桑椹子椿根皮蛇床子蝦
蟆草虎掌草寄生草青木香何首烏小茴香土茯
苓葶麻子馬鞭草柏子仁旱蓮草夏枯草紫花地
丁菖蒲薄荷雖非川廣之材然性味俱堪服食故
並列之

羽之屬甚繁畜於家者有雞有鶩有鴨有鵠若生於

野於林於水際者則雉鳧鵲鸚鵡鷹鳩鶻鷺鷥伯
勞鶻鷓百舌山練啄木鵲鶻鷓倒掛告天偷倉
魚虎蠟嘴黃頭竹鷄鷓布穀姑惡練帶竹嘈趕
揀採桑櫻桃繡眼黃鸚白頭雀有麻黃鷓有青白
桃花柳葉各以氣生候雁元鳥各以時至更僕不
能數也

毛之屬十有四牛耕馬乘驢騾代步羊豕犬猫皆爲
家畜生於野者有狐有兔有獾生於水濱者有獺
生於穴室及田者曰狸曰鼠

水族江海錯陳志其別邑所罕者子鱗鱗魚以充貢
物應長羣魚刀鱗出水如銀刀鮮肥在諸魚上河

鮓一名鮓味極肥美治之不得其法能殺人膾殘較

銀魚爲大二三月產於江中撻沙卽比目魚也鰕
虎卽松江之鱸鱖魚大可四五百斤以郡人珍之
靖反罕食鰕鱸以秋風而肥白蝦其淡碧如玉其
他如鰻白鯉鱖鱗鱖鱖鱖鱖鱖鱖鱖鱖鱖鱖鱖鱖鱖鱖
嘴黃幹着甲虎頭雜出江海與夫鰕鱖銀魚黑鯉
召陽之類不能悉紀

介類蟹蚌龜鼈螺蜆蟳或以下或以充庖更有龜
大至數百斤多聚於濱江坵處

蟲之有用者曰蠶婦女多養之曰蜂採花釀蜜多畜
之民家無野生者其諸蠨動不異他土

貨殖用所出也金錫木石羽革多不產於靖農民種
業多棉花所爲布精細不及江南然堅緊耐著屢
浣愈白績麻爲布精細異常江南士大夫珍之更
織小而狹者曰手巾最利暑月其苾布亦堅緻但
質稍重耳此外榆皮爲香吳茱萸子可入藥民多

樹之外方來收者頗眾

絲之爲綢甚廣靖邑只有綿綢生絲綢二種出自西
鄉生祠鎮者尤佳其絲勻淨其色光潔其質細繁
白亮綿綢與湖綿綢相似腴熟生絲綢與杭紡綢
亦相似

草之有煙

聖朝瑞草也靖邑向無此種自沙洲積漲以來正東
圩一帶遂漸有種之者

靛之染布靖亦向無此產自有沙洲農民移居此地

往往有與園蔬並蒔者俗名小缸青其色深且佳

鹽法

明成化十七年應天巡撫王恕令戶口食鹽鈔入秋

糧數徵之

先是永樂中歲報戶口徵之增損不一民稱煩擾至是王公始於秋糧耗米內

給解起運

正德五年應天巡撫張鳳罷秋糧派徵例戶口另納

鹽鈔

時張公因歲凶兌運外包補不及仍照永樂中歲例報戶口徵之

嘉靖十六年復以秋糧派徵鹽鈔

萬曆三十八年知縣景日軫始行官鹽

景侯令富民充土商請兩

浙都轉運鹽運司以銀一百六十兩買干引坐派
崇明縣天賜場掣鹽載歸發鋪行賣後富民又以
厚賞募徽民任之輾轉相委所費過當究竟官鹽
不能大行多虧商本於是僉替之令猶胥黠民
相倚為奸閭閻不勝重困且靖邇淮揚民恆採淮
鹽販市故設兵壯捕之即以捕得之鹽為官鹽而
取值於民易價解兩浙鹽院以充功費遂為成例

國朝順治三年知縣南宮選請行包課

先是明季有津貼包課之

議每年納銀一百八十餘兩貼商買引課起於田
民困以甦至國朝復循舊例鹽院檄提包課銀
兩南侯詳請奉批開創之始便民為上包課一項
輿論咸以均派為便如議刊石永行但額課即速
解司以憑解京充餉遵此每歲於條
編銀內派徵解兩浙鹽法道交納

八年裁包課

時奉布政司酌定全書將包課議裁用寬民力

十二年減編由單

十三年復包課

時兩浙鹽法道催提郭侯詳奉張撫部院批該縣包課銀兩已經鹽院移

明載入嵯規舊額仰常州府補編完解繳遵將十

徵至今相沿無異

康熙十七年引額編入由單

因陝西道監察御史疏題部議靖在改引之例

銷鹽院衛公疏稱靖江行引應照長蘆清豐等縣

每十三丁銷一引之例應行鹽引二錢五分九釐零

九引比照溫所課例每引納銀二錢五分九釐零

其別州縣亦有七丁銷一引者且課銀又照溫所

下則輸納行令增引報商等因到縣朱侯再四哀

籲衛公復疏稱靖邑逼近淮竈責之行引商人既

不肯挾資行險今既以十三丁派一引又難以加

增伏思崇明包課已蒙俞允靖江包課所當仰邀一視部覆照該御史所

議十八年起徵入額考成可也奉旨依議欽遵編入全書

刊刻由單歷行輪納

二十一年知縣胡必蕃請禁鹽捕

先是功績銀兩額因功績而設鹽捕以緝私鹽其廳縣巡鹽各役借

端詐害不可勝言是年九月間本邑士民公懇胡

侯申請督撫鹽院革除府廳縣衙巡鹽等役以杜

詐端其每年功績銀一百二十兩四錢八分通縣

願照包課之例每甲認納銀二錢一分解憲備賑

解究先取遵
依申報在案

乾隆五年署兩江總督楊某奏請改食淮鹽楊公以

販餘鹽雖云每斤七文但引雜各費部議不准免
輸則已不止七文又加以分稱之折耗擔夫之賺
利每斤仍及從前十文之數民間
豈肯舍賤就貴奏請改食淮鹽

六年定鹽法時江南河道總督高公疏稱靖江食鹽

旨會同妥議戶部隨行江浙司道查議據浙江鹽
驛道趙公江蘇布政司安公兩淮鹽運司朱公鹽
法道禮公先後會詳大畧以靖江以南即屬兩浙
引地若一運銷淮鹽蘇松常鎮四府盡屬淮私今
將崇明餘鹽就近運靖免輸雜費每斤足價七文
與淮鹽相等於民亦無不便一以衛浙引之藩籬
一以杜淮私之侵越高公因會同兩江總督楊公
浙江巡撫盧公兩淮鹽政準公合詞具奏戶部遵

旨核議議以靖江引鹽每年行銷三千引每引配
鹽三百三十五斤自靖引行鹽以來商不乏引鹽
無缺少即從前靖鹽賣價貴於淮私亦祇因未免
引雜各費所致今既免其雜費每斤足以七文則
與淮鹽價值相等是浙鹽之貴賤全在雜費之免
與不免並不在鹽斤之加與不加且松所引鹽係
於乾隆元年八月內欽奉

特旨改行票引每引給鹽四百斤而靖邑向行額
引自未便援以為例應將該督等所請照松鹽之
例每引配鹽四百斤之處毋庸議至崇明鹽斤如
何分運如何接濟之處應如該督等所議以額引
三千道每年分為六運常存兩運設崇鹽不敷即
撥岱山之鹽以資接濟仍令該督撫等將所運引
鹽務令商人遵照定價銷售並出示曉諭令其持
平價賣如於定價之外私增毫釐即將該商嚴拏
究治其防範淮私自應倍加嚴密亦如該督所議
責令印捕營汛各官將水陸兩處凡淮私出沒之
所派撥兵役晝夜巡查仍歸該管府廳營督緝務

期淮私斂跡浙引疏通倘有疎縱失察等弊事發之日一併查參分別究處至該督等疏稱靖邑行銷浙鹽前於雍正十一年飭商楊恆裕崇理今仍着楊恆裕經管建厥廣儲令本地貧民報充肩販赴厥支賣原定課銀七百七十八兩八錢三分零責令承辦之商照數完納如有盈餘據實報陞等語仍將完交銀兩造入鹽課奏銷冊內具題查核再查靖邑應輸引雜各費該督雖稱浙江肩引止輸正課本無雜費今免其雜費亦不致經費有虧等語但查從前所行之引並非肩引其所輸雜費本有定數是以議今查明並未將從前應輸雜費數目聲明臣等無憑查核仍令該撫逐一查明咨報戶部存查可也等因乾隆六十年九月初四日題初七日奉

嘉慶十四年江南河道總督奏增鹽價

靖邑鹽價當嘉慶九年前

旨依議欽此欽遵鹽院撥派商人方元來靖於乾隆七年建厥經管是年四月二十六日開厥

部院奏明每斤十八文至十四年南河經費案內奏增一釐奉部覆准實每斤賣錢十九文未幾商人方一元以虧折去繼之者為范裕陳觀昌道光十二年後俱以委員代商矣

按崇明岱山之鹽名曰敵私兩地煎鹽俱以皂角點鹵而成其色青其味鮮較淮鹽尤美至道光年間商人虧岱山竈戶鹽價轉稱其地無草煎熬因赴乍浦運晒子鹽色白味苦仍名岱山鹽以發肩販崇鹽僅賣於各醬園今淮鹽不能禁絕者非獨賤價使然亦由晒子鹽難於敵私也

咸豐元年委員候補鹽經歷呂偉山將增鹽價邑諸

生請於知縣齊在鎔禁之

時淮屬場竈因票鹽盛行其價騰貴如泰南鄙

俱買靖鹽而食偉山藉此短秤大獲其利因牒於齊侯會詳每斤加銀三分作錢六文為刻剝靖民之計諸生潘泉倪象賢等具稟有請援乾隆六年部議如於定價之外私增毫釐即將該商嚴拏究

治等語齊侯
因移禁之

三年弛淮鹽之禁

二月間江寧與揚鎮失守長江水
路梗塞淮鹽不得西上近竈數千

民以俗名縮船載鹽從北界河出靖江各港口渡
江而南兵役無敢詰者城鄉居民僉以價賤而買
淮私官引積於厥倉未知何
日銷售此則鹽法一大變也

同治二年改銷淮鹽

是年三月奉兩淮運司喬詳督
撫二憲批准淮商認完浙課停

止岱運改銷淮鹽淮商於
四月間到靖設廠售銷

十二年復售浙鹽

先是同治十年奉浙運司秦詳奉
兩浙鹽院楊咨奏准將靖江引地

歸還兩浙至十二年正
月復銷岱鹽價值仍前

風俗

靖隸吳禮節俗尙與江南諸郡邑大畧相似然江南

稍浮薄而靖地下濕厥土夷衍生其間者多馴擾

柔順率易平坦外不營耳目之觀內不務機變之

術不能習伎巧餽口四方不能為商賈獵取三倍

令適百里非裹三日糧則廢然返矣大抵俗尙質

愿重廉恥衣布衣食麥飯寧勞苦自食其力不屑

低眉垂首視息於人土著之民非萬不得已不輕

以身為人奴也郭中地值至貴非世族巨室不得

占而居民多於四郊布散而處列如碁置環渠為

衛竹樹蔭之前後畦畝相錯自春徂冬有勤動之
勞無斯須之逸其中負遠志稟異姿緩其服而裁
其冠以修伊吾之業者卽謂之士吳中士輕俊喜
事以凌厲高抗爲豪舉靖士獨恂恂循謹三尺法
不敢踰一命吏不敢犯蓋地僻而易與爲治亦其
積習然也惟市肆列賈半出他邦公府吏胥率多
奸黠飲博冥豫惡少年所在有之而佞佛成風愚
夫婦比屋而是人情日趨華靡物力日見凋敝此
則有識所共憂而莫知所底也

節陳志原采
朱家楫舊志

靖俗喜織嗇耐寒暑服勞苦無江左游閒之習其畎
晦陂池經緯錯綜有古井田遺意農家樹籬插棘
溝池竹木前後環匝歲二三月間春江半綠馬首
桃花與茅屋相映村塢如紅霞游人往來衣袂皆
丹宛然武陵圖中景也沙土易耕地無遺力田塍
亞水有耨無耘蓄洩江潮以供灌輸不憂旱潦租
庸調賦不足當江南十五其地足稱樂土近則生
齒繁而物力耗矣

冠禮廢久不行婚有六禮靖地初猶行之今奠雁親

迎皆廢三日後而廟見相習成風甚有居喪娶婦
鄉人以爲從俗嫁女施衿結帨不曰夙夜無違而
曰往持門戶至若論財倚勢尤失之大者喪事至
明季漸從簡殺棺槨衣衾附於身者誠信缺然而
迎神設醮化楮懺悔紙人竹馬綵幢花架觀美之
費則在所不惜惑形家言延數十年始葬其親祭
事從數歲時伏臘無不祭其祖先他邑祭多統於
宗子靖則支子分祭但取簡便拜跪奠獻鮮中古
人儀節

歲時元旦親戚里黨肅衣冠交拜履新並爲酹聚迎
春日薦春盤啖春餅老穉競出東郭觀土牛喧闐
竟日十三夜試燈上元日作燈市笙歌徹旦作粉
丸食之曰團圓寒食日百五節人簪麥葉清明掃
墓插柳塚上標白紙錢哭新鬼四月初八僧尼浴
佛端午采蘆箬裹秫米爲角黍屑菖蒲雄黃以飲
酒正午時熏百草烟辟毒門貼靈符婦女簪艾虎
辟邪小兒繫五色彩綫於臂曰長壽綫七月七日
乞巧月下穿針中元煤茄餅薦先設齋曰盂蘭盆

會八月十五爲中秋節以月餅相餽是夕設瓜果
賞月重九登高飲菊花酒插茱萸和棗脯爲糕曰
重陽糕冬至日賀履長畧如元旦臘月八日雜果
蔬辛物煮粥曰臘八粥廿四日掃屋塵丐者飾鬼
面攤於市雜赤豆炊米爲飯食家人曰辟瘟相傳
竈君朝天用糖餅以祀糟糲秣馬暮在大門外插
細竹四竿爲棚覆以柏枝於棚內焚神像除夜接
竈封井過三日不汲畫石灰於地象弓矢象倉廩
換桃符春聯老幼圍爐歡飲守歲達旦爆竹聲不

絕

按靖俗務本力穡食糲衣粗然民間敬老慈幼安
貴賤之節吏民相安不敢作奸犯科最稱近古正
德初崇明民千餘家來靖皆饒於財數椎牛酒相
晏樂邑民惑之始有從之嘯聚江上者迨庚戌辛
亥王子間姑息養奸之政行不可究詰上之人遂
曰是悍黠難治不察其奸生於財竭亂萌於積忿
又習玩於縱弛之政欲無習攘奪而興行誼何可
冀也夫靖邑數萬戶以習惡好訟聞者數人而已
萑蒲不逞何地無之遂云靖不可治豈其然哉憶
昔舊令鄭侯錡自蘭溪來游昆陵靖民聞之往迎
者百里相屬旣至茅簷蔀屋莫不雞黍款留三月
而歸涕泣引車者塞道易侯幹振肅綱紀分別臧
慝而善良歸農証罔銷阻民歌思之至今學諭王
輕去士民戀戀追送不忍別近今王侯叔臬泄任
期月調去邑人隨車悲號百里不絕無貧富時時
往省候經歲猶然此數君子者非能深文虎視以

威制下也非多行小惠違道以干譽也民懷之如是而曰難治可乎故制治清濁之源自上不自下陳志原采朱得之舊志

按靖自成化初民間不冠不履小袖短衣相遇或不能具一揖今則衣冠日盛高蓋騶從以相馳逐而男女仍務修飾亟聚會娶嫁衣服飲饌過度至破產不惜農人賤而商賈貴士發憤治詩書或困窶貸一錢不肯與而豪富吏民畜積累鉅萬意色揚揚鮮車怒馬出入都市士大夫莫敢誰何中饋井臼之教微而羽葆羣游女僧盛行傾動中冓歲時伏臘蘋蘩之羞缺然而炫服供佛肩輿錯於道又好用婦言父子兄弟別異而居或終歲始一見羣居儇巧相勗言及忠孝則色赧然不欲為此皆風流薄惡賢人君子所聞風太息而不能自已也若乃精廬競建墩學相長通經懷古斌斌多好學之士則今或有逾於昔西蜀文章文翁倡其教頴

川篤厚黃韓為之率庶民惟風上為一而下為二豈其然乎 采陳志

方言

與人方便自己方便 喫飯防噎走路防跌 若要好大做小 不聽老人言終有悽惶淚 小心天下去得大膽寸步難行 扒得高跌得重 識人多處是非多 求人不如求己 饒人不是痴過後得便宜 閉口深藏舌安身處處樂 身寬不如心寬 若要寬先辦官 爺頑賴兒還債 貴買良田子孫得用 未來休指望過去莫思量

早起三光晚起三慌 世上無難事只怕用心人
學無前後達者為先 自家有病自家醫 借
的貓兒不過宿 好漢吃拳不叫痛 酒中不語
真君子財上分明大丈夫 不痴不聾難做家主
公 識得破忍不過 路遙知馬力日久見人心
人無千日好花無百日紅 人爭一口氣佛爭
一炷香 有麝自然香何用當風立 君子愛財
取之有道

靖語謂甚麼曰底高謂何處曰喇裡謂所在曰宕子

謂村莊曰埭謂未跌倒曰亮倉去聲謂爾我曰你些

我些音近心韻謂不慧曰歎謂頑戾曰象象謂虹曰鸞

詳候切謂針為引線謂亂談曰嚅嚅謂機巧曰伶利

謂糊塗曰懵懂謂葺理曰修促音促唐書修促部伍謂以鹽

漬物曰醃謂不決絕曰綿牽謂湊合無罅隙曰混

縫去聲謂葦席曰蘆廢宋琅琊王敬微遺命以一蘆廢藉下謂有事曰

事體讀若替謂笑人曰阿育育謂冷熱適中曰温暾

唐王建詩新晴草色暖温暾謂走曰跑謂睡聲曰打呼謂偵視

曰張謂看曰望羞曰怕醜扶曰擋去聲按曰擎去聲浮

曰吞上聲流曰淌蓋曰匿藏避曰躲藏物曰囤稠密

曰猛布帛薄者曰澆門之關曰門非常事曰咤異

貨物初售曰發利市作事不順曰鈍市階級曰僵

礫此處曰這音至即音去彼處曰箇郎謂人無能曰沒

用處謂兒童曰小囡謂慳吝曰臭肉麻謂言語支

離曰嚙嚙六平聲謂假寐曰打渴睡謂不認真

幹事曰打渾謂儉不中禮曰小器謂不便平聲捷曰

笨亦曰不即伶自誇大曰賣弄事之適相值曰湊

巧六畜總曰眾平聲生數錢五文曰一花覓利曰賺

錢首飾曰頭面鞵襪曰脚手器用曰傢伙以兩物

比較長短曰燕疾趨曰打歪歪行濕地站立不穩

曰打滑塌以兩手移物曰撥又曰桶取挪動意斟酒曰

簪酒天明曰天亮尖巧曰尖鑽誇口曰喇天能幹

事曰在行數人罪過曰羞削騙人曰串局受騙曰

上檔室中污穢曰遺過又曰吭惡平聲臧粧體面曰

擺架子剛纔曰姜纔物件曰東西亦有反言者神

氣不振曰葳蕤本榮盛意不要曰要平聲他不做曰做平聲

他不肯曰倒肯無曰倒有之類

農歌

鋤禾當午日爲燒血汗翻漿背欲焦老幼飢寒還未
算縣官有賦敢辭勞 聽說開倉帶笑挑只愁比
較有花消若還清了官私債歡喜堂堂過歲朝
芙蓉開過菊花黃鄰比相期斫稻忙笑聽霜鎌聲
啞啞三朝已後有新嘗 有新嘗了有新嘗白髮
雙親久缺糧白酒黃雞男女孝香橙螃蟹滿盤裝

占候

正月元旦占風東南有年東與東北次之西北大水

東北五穀熟 雨主春旱 霧歲飢 日未出時

東方黑雲春多雨南方黑雲夏多雨西秋多雨北
冬多雨諺云年朝烏鹿禿高低一齊熟 立春日

占甲乙豐丙丁旱戊己損田園庚辛人馬動壬癸

水連天 初八夜看參星諺云上角倉倉滿下角

水連天月口刀兵起月背大荒年天陰則云初八

無參星十五無紅燈 元宵風送上元燈雨打寒

食墳晴宜果亦主春旱 十七日晴棉花有收

驚蟄未曾驚蟄雷路白雨來催謠云春雷須見冰

弗冰弗肯晴又云驚蟄逢雷米似泥 霜諺云一
日春霜三日雨三夜春霜九日晴又曰春寒多雨
水

二月初八日候西南風有秋 十二花朝十三收花
並喜晴明百果百穀倍收 社日宜雨

三月諺云三月無三卯田家米不飽初一雨飄飄人
民當食草 蛙鳴初三日午前鳴高田熟午後鳴
低田熟終日鳴一齊熟唐詩云田家無五行水旱
卜蛙聲 三月初三晴桑上掛銀瓶三月初三雨

桑葉生苔痕 十一日麥誕喜晴 寒食雨爛麥

堆 清明雨有梅水諺云雨打墓頭錢今年好種

田

四月初四稻誕喜晴 初一日諺云小麥不怕神共
鬼只怕四月初一夜裏雨 有利無利但看四月
十四有穀無穀只看四月十六 十八小分龍晴
配旱 立夏日無暈則早有暈則水 陰桑葉貴
晴主旱 日煖夜寒東海也乾 麥秀風來擺稻
秀雨來淋

五月初一雨井泉浮初二雨井泉枯初三雨連太湖
霉時梅熟因曰黃梅諺云黃梅寒井底乾雨打梅
頭無水飲牛 端午晴乾農夫喜歡 芒種端午
前處處有荒田 未喫端午粽寒衣不可送 夏
至點雨千金價 候西南風風急急沒風慢慢沒
時裏西南老鯽奔潭 迎梅雨送時雷送了去
再不回 二十日大分龍諺云二十分龍廿一雨
倒个車來就出水 小暑雨轉黃梅 熟不熟但
看五月二十六

六月諺云六月初三落一暴高低田裏多得稻 六
月初三晴山篠盡枯零 十三日爲白龍生日諺
云白龍看娘必主有雨 六月不熟五穀不結
伏裏西北風臘裏船不通 秋前生蟲損一莖發
一莖秋後生蟲損一莖無一莖 朝立秋涼颼颼
夜立秋熱到頭

七月諺云七月秋蒔到秋六月秋索罷休 秋孛鹿
損萬斛言立秋發雷晚稻則秕 立秋後虹見曰
天收雖豐年必少收 風潮怕處暑稻花空作藥

處暑雨不通白露枉用功 秋分在社前斗米換
斗錢秋分在社後斗米值斗豆

八月朔日晴連冬旱朔日雨宜麥薑 白露前是雨
白露後是鬼言白露是天收雨損稼也 雲掩中
秋月雨打上元燈 分社合日農家叫屈又曰分
了社穀米徧天下社了分穀米如錦鏤 八月小
糯米寶

九月初一至九日應來年每日北風則米賤 九月
一日晴不如九日明九日明又不如十三靈霜降

見霜收米做霸王又曰重陽無雨一冬晴

十月初一西北風糶新米糶冬春 初一陰柴米貴
如金 賣絮婆子看冬朝無風無雨哭號啣十月
雷人死用爬推雨打冬丁卯飛禽不得飽

十一月至前米價長貧兒有長養至後米價落窮漢
轉蕭索 十七日東北風有雲來歲有雨大熟諺
云風吹佛面有米不賤風吹佛背有米不貴 液
立冬後十日爲入液至小雪爲出液此時之雨乃
天地膏液主治殺蟲消積宜麥

十二月若要熟年前見三白 臘月有霧露無水做
酒醋 兩春夾一冬無被煖烘烘 臘雪是被春
雷如鬼 除夜犬不吠新年無疫痢除夜犬惡嗥
新年多大盜

四時占諺

日生雙珥斷風絕雨 日落雲裏雨落半夜 日落
胭脂紅無雨也有風 月如仰瓦不求自下月如
彎弓少雨多風 一個星保夜晴 星月照爛地
晴日不多時 東風急備蓑笠 雲行東車馬通

雲行西腳踏泥雲行南水平潭雲行北陣陡黑
春雨甲子赤地千里夏雨甲子乘船入市秋雨甲
子禾頭生耳冬雨甲子牛羊凍死 春丙陽陽無
水撒秧夏丙陽陽暎死稻娘秋丙陽陽乾穀上倉
冬丙陽陽無雪無霜 春己卯風樹頭空夏己卯
風禾頭空秋己卯風水族空冬己卯風畜闌空
久晴防戊雨久雨遇庚晴久不晴看丙丁久不雨
看戊己 朝霞暮霞無水煎茶朝霞不出門暮霞
行千里

靖江縣志卷六

學校志

靖江廟學始於明成化八年殿庭堂齋而下
 修建必書宮制於是大備春秋祀事祭器樂
 器俱陳田以養贍有古米廩遺風額設弟子
 員遴選秀民充之書院既設廣其社學義學
 造士則從同宣講鄉飲亦化民成俗之意因
 遂附焉志學校

廟學



明成化八年知縣張汝華建廟學

縣治西地二十四畝零度癸丁向為

文廟左右翼以兩廡安崇祀先賢主前為戟門泮池橋星門左為學門由學門直北西轉為儀門大

成殿後為明倫堂堂左

右有齋曰明善曰復初

明郡人王祭酒與新建靖江學記國朝承平百餘

年休養生息之恩被冒海隅故所在民安其業戶

口蕃息墾田貢賦日以增羨則求其中地理之曠

斥征輸之涉厯者而析置之創為縣治關以學舍

俾治與教兼施養民之生與復民之性相須以有

成也靖江縣在大江中流其地名馬馱沙蓋水中

之洲東枕孤峯西引黃山廣一十八里袤五十餘

里民居以戶計者六千有奇元以前隸揚州之秦

興其戶隸江陰者裁三之一國朝洪武初全隸江

陰成化辛卯今兵部侍郎汝南滕公昭以都御史

巡撫南畿謂其地越大江供賦稅服徭役凡有事

於邑者多冒風濤以奉期約為非便而民數視昔

有加爰請於朝宜析置縣制從之賜名靖江縣乃

因東洲之舊土城建縣治又即縣治之西建廟學

於是廟自禮殿以至門廡廡舍皆以次營構聖賢堂

以至會饌堂齋廬庖廩廡舍皆以次營構聖賢堂

設皆繕飾如制以王辰春三月始事訖工於甲午

冬十一月先是廟學未建而滕公以召去右副都

御史河南畢公銘蒲田林公正相繼巡按知府吉

友良趙郡鄭公銘蒲田林公正相繼巡按知府吉

靖江縣志

卷六

學校

二

其端要其成者則督學御史浮梁戴公珊深致意

焉學成而沔陽劉侯鉦又繼來守郡蘭谿鄭侯錡

來知縣事劉侯加意作興葺其未備謂學必有記

以識作始歲月頃命邑二生張勛陳琛以書來南

雍屬記余惟天生斯民立之司牧而寄以治教之任唐虞三代尚矣後世稱善治者如漢唐宋其於學校之教猶不免有作輟之弊當時雖通都大邑亦寂然無絃誦聲而況竊據之方褊遠之區宜其未遑及此也洪惟我朝列聖相承崇重學校百官有司祇循德意是宜斯學之建與邑治並興前規後隨有唱斯和諸士盍亦勉進於學以求至於聖人之道乎聖人之道見於書讀書所以明道也然讀書之要其惟靜乎是故有紛華眩惑之誘者不讀以為學有利欲馳騫之擾者不足以成功斯地也南北阻江商賈之所不趨驛傳之所不經賓客游從之士之所不至此古人所謂江陰為浙西道院揚之通泰為淮南道院而斯邑又介乎其間習俗簡靜無將迎傳送之煩抑又過之而士之勉進於學者於焉以定其志意端其趨向求諸心以體諸身舉而措之以見諸行事以輔成我國家億萬載太平之治此明聖教學之盛心而亦賢風紀良民牧興學之至意也其母以藁爾之邦藐然之躬

自陋自棄斯可矣於是為記

十七年知縣陳崇德鑿泮池建石橋

宏治元年知縣金洪築外垣濬左右河

正德三年知縣周奇健修學

六年知縣殷雲霄增建志道堂及六德舍六行舍以

次闢九疇圃築觀海亭鑿監止池

殷雲霄儒學舍記壽張殷雲霄氏來為靖江縣之
又明年則為志道堂於明倫堂北又北為六德舍
日知仁聖義中和東六行曰孝友睦婣任恤西六
藝曰禮樂射御書數又北為九疇圃觀海亭監止
池殷子曰美哉先王之教內外本末具矣不失其
心之有之謂德行之於身之謂行治其事之宜而

用之謂藝合以全其大專以致其精違則味偏
則固味離其本固毀其全是故古之君子惟其道
焉已耳道物之會也心道之統也不志於道而徒
以應天下之事其何能通達無滯哉今朝廷之教
其意與古豈異耶今之君子其學也惡可獨愧於
古君子哉因名其堂而記之期與諸君子其勉焉
銘曰堂之揭揭可以游息用居夫學道諸君子云
圃之秩秩可以游息用居夫學道諸君子云

嘉靖三年知縣易幹奉詔改大成殿為先師廟易塑

象以木主

初洪武三年詔以聖廟為大成殿象
先師四配十哲於其中左右兩廡分列

七十二子與從祀諸賢神位嘉靖三年詔改殿
為廟撤諸塑象易以木主稱曰

至聖先師縣

承韋商臣脩學建教諭訓導解越三年知縣鄭翹

教諭陳應龍修學

增城湛祭酒若水修學記惟嘉靖乙酉吳興韋君
商臣自大理評事以言謫丞於常州之靖江既至
謁廟造學訝其殿廡堂舍之圯問之諸生諸生前
曰屢白諸督學撫按諸公屢可而縣吏屢以嫌疑
上下二十餘載以敝至於官納爾材母然曰若不
盡廢乎若作於民不廢於官納爾材母然曰若不
以人不與於已則有何嫌乃謀於令白於督學撫
按皆可之於時帑藏僅有三百緡耳韋君乃召父
老氓庶咸造於庭誓之曰今教基已墜俗之不善
豈惟長民者之羞亦爾民之憂爾之鄉有願出材
若梁棟若柱者乎有願出材若椽桷暨椽者乎有
願出灰瓦磚石者乎吾將與爾鄉之子弟明德脩
業於此三告而民莫不應焉由是材以工備工以
材成人以能役力以時任地以貲拓始事於丁亥
二月韋遷而易尹繼之易去而番禺鄭尹翹又繼
之至戊子九月則殿廡堂齋戟門泮橋巍然翼然
矣凡師生之署館名宦鄉賢之祠倉庫射圃碑亭
會膳之堂莫不翕然矣韋鄭二君皆游於甘泉亭

因請記甘泉子喟然嘆曰昔夫子言忠信篤敬蠻
 貊之邦行矣靖之為邑海邦也在禹貢揚州之域
 去沂泗為不遠韋君學夫子之道鄭君布愷悌之
 德言出而民樂趨之以成教化之基乃知忠信篤
 敬可行者至是為有驗矣使其父老氓庶由是心
 而擴充之各率其子弟之秀以從事於忠信篤敬
 而察於人倫入乎大道則蘊之為德行發之為文
 章馴以造夫子之道不亦可乎不然豈爾樂於從
 事助修之初心哉
 可以反其本矣

四十二年知縣王叔杲脩學建集虛齋

無錫王僉憲問脩學記古者造士國有學遂有序
 黨有庠閭胥塾師莫不有教示之道道德行藝勤之
 以禮樂以齊其志和其衷渾化其偏駁學士所就
 咸足以適家國天下之用春秋時吳在蠻夷海徼
 去畿甸最為僻遠而言游季札之徒與鄒魯儒生
 並稱豈非教化之明驗與後世先王道廢禮教衰

漢興孔子之廟不出闕里宋慶厯間始立學郡國
 然師儒之官條例未備我國朝建學立師黜百氏
 崇教本脩先王之政明孔子之道雖海徼之外殊
 方萬里彬彬多文學之士矣靖江古吳地俗名馬
 馱沙舊隸江陰泰興間成化辛卯析為縣王辰建
 孔子廟像學宮弟子悉如制惟是阻江負海土磽
 而氣薄其民舍穡事則逐什一之利於魚鹽性僕
 悍負勇好鬪未易馴擾從政於斯者類多玩愒自
 恣無有能任道禮樂之責者振起而鼓舞之故
 政教日弛而其習愈不可返非豪傑特立之士不
 為流俗所牽繫則往往苦於聞見之寡陋淬礪之
 無資懼莫能達其才而充其識嘉靖癸亥曷谷王
 侯以名進士來尹茲邑抑豪強扶羸弱弭江寇裁
 革措置不激不懦而尤敦意於學校先是教諭何
 君焯訓導吳君繼澄以學宮卑窪廟宇傾毀議欲
 新之曾以常餘倉故材為監司請侯閱牘得二君
 所請辭慨然嘆曰學校乃王政之本有司之首務
 况棲聖居賢之地奚以廢屋棄材為也遂鳩工庀

材樹表正位葺毀墜易梁欏夷坎塞窪崇其堂階
不堪任者拓地而遷之講肄之所師儒之室庖廩
庫廩次第舉高厚爽塏悉踰其舊數十年之廢
與於一旦制度闕深士咸奮勵工訖何君吳君率
其學之弟子請記於予用彰侯績且告多士予惟
王者之政不擇地而施不易民而教人才盛衰在
振起之者何如耳文翁治巴蜀先儒雅眾置學官
子弟材敏者詣京師博士受業蜀地學士之多至
擬上國盡革去蠻夷數百年僻陋之習昌黎在南
海時南海人卉裳椎髻喜攻鬪而不知學昌黎為
延趙德師禮之以敷教訓潮之民遂知所興起而
其化至今不衰靖江僻在江島實畿輔近地非若
巴蜀南海去京師萬里而聲教為難及俗尚簡樸
真醕未散猶有古敦龐之風又非遐荒絕徼與獠
獠蠻蠻之邦相齒錯以亂其視聽而梗其化其施
教固易易也侯端軌物定規制崇尚實學毅然以
道德禮樂為己任其聽訟治民之暇進經生學士
論議盡脩身治心之說真有如文翁昌黎之治初

不為慕聲譽飾虛文已也邑之士固有聞先生長
者之風而興起者而又得在位者倡率鼓舞之則
棄舊習樂圖其新一洗俗學之陋而得性術之蘊
沈濡涵育豈無有奇偉卓拔之材明聖賢之業出
則彰道德禮樂之教於時以輔聖天子作人之化
處則遵晦養器風百世而繼前脩如言游季札者
乎匪止掇巍科登顯仕而已南海巴蜀之士固未
能或之先也此固曷谷待士之意子亦以是告多
士曷其成云是役也經始於癸亥八月成於甲子
三月凡費金若干協其事者縣丞閻濟主簿王治
華鄉大夫與諸士樂助者咸書之
石以誌其勤賜谷名叔杲永嘉人
知縣王叔杲集虛齋記嘉靖癸亥夏余始至靖視
學制圯陋迺為之改創一新焉政事之暇思日與
二三子游衍其中以講明義理咨詢時政庶幾古
人仕學相資之意然念明倫堂非深居靜談之所
迺於堂之西得隙地築齋凡若干楹繚以周垣植
以花竹深邃軒敞可藏可脩可游可息於是諸生

彬彬然集請余名之名合虛與氣而為性昔橫渠張子曰由太虛有天之名合虛與氣而為性昔橫渠張子之道而心之本體也君子常存虛明之體則可以酬酢萬變而不匱在易之離以中虛為明而咸之象曰君子以虛受人蓋虛則外能燭理內能受善問學非虛則眾理罔析臨政非虛則眾善罔萃虛則受不虛則弗受受者集也虛則集矣子不見夫涇渭溱沮乎河能集之又不可見夫沱潛湘漢乎江能集之至於集夫江河則非海不能故曰隨虛隨稽古稱舜之德則曰好問好察邇言曰聞一善言見一善行若決江河沛然莫之能禦噫斯其虛之至與爾諸生誦法孔子孔子之道舜之道也相與集於斯齋朝夕思就其如舜以去其不如舜斯可矣孔子惟顏氏子善希聖其言曰有為者亦若是願諸君子相與勉之由學而仕大其心以受天下之善其進於高大光明以滿此心本然之量即舜與顏子何加焉苟特於見聞牽於習氣訑訑然自謂已知則虛明者日汨而離道日遠矣雖誨諭諄切何益哉齋既成余適有常熟之命因述其名齋之意以為諸君子訂云

萬曆二年知縣張師載建尊經閣

丹陽姜寶尊經閣記萬曆三年正月靖江縣儒學尊經閣成學諭邵君訓司訓雷君萬里為狀走庠生陳善言劉之奇輩來言曰此故左道人供奉材邑父母張君師載撤而建於學宮者也敢請為記予聞之董生云言道術者尊孔氏諸不在六藝之利勿使並進夫尊孔氏之六藝尊經也非其科而並進況不經如左道者與張君毀彼之科猶云勿使重惜民財不妄費且因斥邪以崇正誠於經知所尊矣雖然經之尊也且因斥邪以崇正誠於經知所口耳貴讀以心通都劇郡之士號稱多書而能讀以相勉焉今夫通都劇郡之士號稱多書而能讀

然其讀是書也。以資學業之用。為取青紫之階。梯
方讀是書時。已不勝其名利之爭。於胸中矣。及其
名成而身日榮顯也。曾不思疇昔所讀之書。為何
名義。而身日榮顯也。曾不思疇昔所讀之書。為何
義。而身日榮顯也。曾不思疇昔所讀之書。為何
江而邑於其上。達人貴客之所。不經富商大船之
所罕至。其人多渾朴而少殊慕聲華利祿之事。少
有奪乎其耳目。營為干請之念。亦少有雜乎其心。
既非通都劇郡。比其為士者。又宜莫如此。中人士
而能不失其傳。故最能讀經者。宜莫如此。中人士
若使讀之不精。不專。恐反為左道。人誠心以供奉
者。之所非笑。是則蘇長公所云。東書而不觀。朱文
公所云。讀書而不能為士者。方讀經而已。懷名利之
爭。心是不足。以為靖士慮若後。所當慮也。抑聞張
專如所云。束書為書肆者。是則所當慮也。抑聞張
君為政。能潔己忠於其所任。又思親久力請。而於
臺司而必求去。非所謂忠孝節義。真能尊經。而於

身率人者。與請因是。而人自勉焉。能知閣之所以
建則能明於邪正之分。如廣川大儒所稱道術務
歸於一。而心不頗。能知經之所以尊。則免於不精
專之患。無或如東坡晦翁兩先生所譏。學業務底
於成。而志不怠。名利之爭。既以地偏。而人朴。不
雜乎其心。而忠孝廉節之是。取又人人能追其令
君之賢。而欲與之並也。庶其無負於建閣之意。庶
亦可以言尊經矣。不然徒讀是經。終不免叛之意。庶
也。將不為經之罪人也。與予昔承乏外僚也。嘗購
經子史諸書。留而藏之。於錦官周南之公署。欲為
之記。而未果。又嘗志於所以尊經。思有其義於身
而愧亦未能也。因靖師生之請。為著其說。如此。今
且老冀亦與
其相勉云

十年知縣陳文燧修學建廟坊
脩學碑記在茶廳惜字多模糊不可識辨

三十年督學發學租令諸生重建尊經閣移敬一亭

脩會膳堂 時諸生請於學使發學租三百金重建
七楹盡撤舊材易以新費約千餘金皆諸生
釀金爲之盛時傑輸十之七一時稱爲義舉

四十三年知縣趙應旟暨教諭陸明揚修泮池水道
通南市河 戰門外復甃水道以磚石引泮池作九
以門左右皆繚以朱欄櫺星門周圍
十餘丈泮南作崇墉高三丈廣倍之

崇禎二年知縣唐堯俞暨教諭余懋儼改築會膳堂
敬一亭鑿外泮池移崇墉於市河之南 以形家言

於學門之內移敬一亭於啟聖祠前鑿外泮
池與市河通泮南崇墉更移之市河之南
十年知縣陳函輝脩學 時陳侯捐俸三百緡益以
贖鍰共千餘金數月告成

陳函輝修儒學記憲皇帝之中葉靖始有邑建邑
之明年靖始有學其間締構之維艱修繕之不易
粵歲且百有七年而以興文治崇俎豆聞者何寥
寥也萬厯初年南州陳公文燧銳意振飭規模一
新嗣後惟趙公應旟濬河易嚮有所更始而殿堂
兩廡日就頽漶講舍之中草深數尺鐘鼓不靈科
日亦因之以久衰其勢然也余以丙子仲夏捧檄
渡江首謁 文廟日擊心惕即思有以新之而攢
眉時詘未能舉羸荏苒兩秋皆以釋菜時眩仆在
庭經旬始瘳於是憬然於宮墻靈爽有不容一日
緩者遂捐鍰三百緡益以金矢之贖爲之發倡縉
紳孝秀下及鄉三老咸趨義樂輸子來恐後僦功
甫半歲而翬飛鼎煥業同再造矣先是形家言以
禮殿處痺撤之稍前下逮櫺楹廊闌牖達窪注皆
有藻聖有疏濬登門升堂耳目志意俱劃然開豁
敬業樂羣不患無所而余乃不能已於言也成周
盛時天子所都並建四代之學畿內六鄉鄉有黨
百五十六遂遂有鄙如之遂序黨庠蓋互見焉則

是千里之內為序十有二為庠三百蓋其盛也其
擁臯比南面為師皆士大夫以歸老於鄉者或升
左或坐右率以王命敦為訓辭以自淑其子弟不
第無異學亦無私學也國家兼綜三代之教而核
其大且要者百里提封既即以綰銅之長為之師帥
而博士掌故為之疏附既近以肄之復嚴以董之
亦曰使民興賢出使長之使民興能入使治之故
官無異教而國亦無殊俗夫亦行古之道也俗吏
務刀筆筐篋而不知有教化其弊始於先自菲薄
而因以菲薄待天下士甚至動色相警以興作
興為居官兩大戒欲責以儲材貢異少裨異日緩
急之用得乎何怪乎憤激以論遂謂科目可廢致
聖天子撫髀禁中顛倒文武之塗而欲別張羅麟
宜鬼之網至其所為加設功令勤勤於廣厲學官
之法未嘗不乘高而呼而卒莫之應也令處士民
之上率作興事章志貞教勢不可推而他屬苟為
所得為而猶遜不為安望其於事勢所難為者為
之反有餘地乎靖雖褊小兩期之中凡肯縻宜嘗

蠹窳宜摘民功水利之宜興樓櫓干楨之宜備疲
迪苦役之宜蘇舞文亂法之宜治凡令所得為者
既以竭蹶赴之以毀譽聽之所幸濟濟多士映以
德心小大相從色笑相暱日省月試雲變霞烝而
其所為鼓篋遜業之地親師樂友之區又安能不
汲汲預為之計也或曰今天下風俗之壞三吳壞
之吳本泰伯仲雍季札言游所遺而自唐以後五
方雜處為聚巧之會其文而薄也久矣今夫輕紈
阿錫必曰吳綃寶玉文屏必從吳製食前方丈瑤
錯交陳必曰吳品舟車服玩裝飾新奇必曰吳樣
吳之所有他方不敢望他方所有又聚而不萃之於
吳即文章一途最為公器非吳士手腕不靈非吳
工鉞梓不傳彼張華吳趨之賦左思吳都之篇描
寫豐約特其剩餘耳不腆鶴洲驥渚畫江而處地
猶吳地風猶吳風而敦本力穡祛汰避愒有吳之
質幹而去其繁枝謝吳之矜佻而肩其詳雅於以
復古而還雅也較易且以孤懸之洲地脉忽接從
前缺陷至是始完秀旺之氣必學宮先受之而徐

以烝髦士則乘時暇用眾和若有造物者默施旋
轉於其間今特其受成者耳又何必遠述三代近
慕十五國之風而不從悃悞根本處一為抒寫其
教思所從起哉是役也鄉大夫大參孫公同倫發
願鼎新謀之數年規畫措置悉如其議主出納則
屬之鄉大夫范公世楨主查覈則屬之邑選士劉
君士焜監督按視則屬之邑諸生陳芳樹等而邑
博士嘉禾鄭公士奇司訓吳門章公樛皆以名儒
宿學來司絃誦使百餘年曠典為之立新非偶然
也他若邑丞俞君廷相簿程君文龍尉向君可俊
皆拮据贊襄勞來
其事於法宜備書

又謁廟詩有小引靖之文廟創自成宏梁木頽
然久不能無鼎新之望顧向者草昧初開連茹不
乏而比者致嘆寂寥於賢路豈吾道榛蕪與學殖
盡落耶抑上無雲漢菁莪之化以漸被振勵之而
使然也輝莅任之次日拜謁而心傷之祈焉禱焉
如賽力田晉諸子衿而董策焉是必有豐年乎系

以詩如望歲焉
天之未喪文惟善以為寶千里絕空羣十室視豐
草洪範存裔夷立邑無荒島靖自有吳來文字迹
如埽遠隔大江外衣租而食稻迨乎風氣開詞灑
始生藻繡虎時在壇絨麟或應禱成人銳必堅小
子慧庸早教化之所漸歌德歌有造三戟門相望
魯貂閣多梁灑侯河清難期奇服羞用老長令方
生芸閣藉中如擣皇紘正廣羅髦碩掩夙抱椒子
下車問稽首向空浩願映星郎乾願起馬骨薨魯
顛尼山稽首向空浩願映星郎乾願起馬骨薨魯
願生攻苦志墨帳豫搜討祈請豈空言就正賴有
道素絲何用悲頃刻辨朱皂流光踰隙駒
日月速嗟惱努力崇邁征樹基先拂澡

御製卧碑於明倫堂
國朝順治元年恭建
學校

十二年督學張能麟將之泰興過靖江令知縣郭疑

然教諭徐籀修學

是年四月督學張公由靖之泰謁於廟見學宮傾圮明倫堂尤

甚令郭侯及徐學博修之

張公修靖江縣學記昔漢大儒賈氏董氏宋司馬

氏程氏朱氏孰不兢兢以學宮為說哉而歐陽子則謂政治之得失存乎學宮之興廢學宮之興廢存乎學人之修悖夫學有名有實有文有質有始有卒彼夫務其名而畧其實飾其文而遺其質勵其始而懈其卒者猶之乎弗修也且學之設非徒以教胄而已古者十五入大學始於洒掃應對安弦雜服馴至於正心誠意修齊治平泮水之詩曰穆穆魯侯敬明其德敬慎威儀維民之則則夫格烈祖而靡有不孝克明德而淮夷攸服亦何莫不白乎此也故夫學者所以教其子弟君師之責備焉首之以五教重之以六藝俾聰明茂美之士習

其說而服其事天下見其事上也則忠且敬其撫下也則仁且恕以誇其性質之獨異不知提命於平時糾結於旦氣者良亦有其素也是以夏楚之設始於唐虞傳曰師嚴則道尊夫忝為人師亦孰不祈於嚴且尊哉然其處己也無可法鞶帨其外敗絮其內雖曰取聖賢之言而口耳之以期其似也難矣況又有未必然也靖之學立於先朝之中葉時子矜之從事於學而肄業者人不過於什數其時風俗敦朴性質醇厚而不務為名高越二百餘年邑之稱弟子員者不下四百人觀風問俗於茲者往往嘆朴之漸凋醜之日變履之文章科第之盛未嘗不遠踰於曩時而考其踐履之實若不能無今昔之感者何哉豈非名實之間有未詳即有奮發力行廉耻之士困於有司之不知始未必不勉強卒以踣躓而至於灰敗也嗚呼是亦立教者之過也余銜命校三吳士首以宋真氏衍義頒示諸生令其誦習夫真氏之學謂平治之本在於身心身心之要

歸於誠正故其言身心者獨詳而於治平稍畧非畧治平也謂治平之不出乎此也丙申之夏四月由靖之泰謁先聖廟見學宮破敝圯折明倫堂為甚因令縣尹及學博一鼎新之至七月越一百五十日而堂功報畢則講肄有所矣因書之於石并以告師儒者如此

康熙七年知縣鄭重暨教諭袁元修學

鄭重修學宮記靖自有明成化之七年始立邑而學宮因之俱建歷二百餘年於茲陳公函輝銳志興葺迄今三紀有奇歲深材蠹風雨震凌鼠雀啄殿庭廡祠上淋下濕而星樞之傾比尤甚此荒原堦草所由歌也十餘年來人文寥落如晨星揆厥所由皆學校之不修以至於是余甫下車進謁堦墀徬徨四顧意怛怛不能安綠徵會孔亟輶軒時至荏苒三載籌以時舉不敢復緩也以語學博袁君毅然身任之周爰詢謀爰及紳衿咸稽首願贊余捐俸百緡為之倡袁君捐廉俸有差鄉大夫

秀士亦樂輸恐後其襄斯役惟是棟梁椽桷灰瓦磚石皆取給於江之南估載運及匠工需費之繁較倍於昔方肇工於丁未之冬凡數閱月而堂構鼎煥棟宇嶙嶙堪稱大觀間有殿宇之地猶然黃壚一片當趨踰展禮之未便殊屬缺典乃亟圖鋪砌凡宮墻內外戶牖棖桷咸丹堊是飾而戟門泮橋次第畢舉斯則教育之基以立矣嗣此躋堂薦馨盼嚮昭爽睹駿奔而儀肅聆鼓籥而忱孚自是百千傳秀氣之巨映人文丕昭於來茲將見跨雲鵲起揮鞭鷹揚乃文乃武聯翩以應泰運不於多士有厚期也哉是役也規畫有方而司出入者學博袁君元倡與修者鄉大夫蕭君松齡朱君鳳台劉君時濂蔣君中和侯君模鄉孝廉朱君澂盛君彩徐君時浚盛君彰主監督者則庠生朱士蛟朱十琪劉以睦羊球尤霞等若丞白君啟秀尉韓君開皆協力贊襄以相與有成即鄉耆朱廷佐亦與有勞績者乃憑觚以紀其事

宜興諸進士善慶修學序春秋書新作南門而不
書新作泮宮說春秋者曰南門不宜作而作也故
書之泮宮宜作而作也故不書夫春秋之世學校
衰子衿刺文武之道闕然既墜魯僖公當教化泯
熄之餘作泮宮以教國之子弟則聖人之道於是
可復春秋當大書特書以勸天下之諸侯使之崇
學興教而安在其不書也哉春秋之不書泮宮
也史克詳之於頌而未筆之於史孔子因其文而
未有所加也泮水之頌曰無小無大從公於邁言
公之興起教化而國人樂而從之無間大小也其
二章曰載色載笑匪怒伊教言公之不事刑罰而
以教化爲心故能使國中大小之人咸往從之也
其三章曰順彼長道屈此羣醜言公之教皆本於
道而羣衆之人若屈而從之也至於格烈祖服遠
人無不於泮宮乎是致故有頌美之詞而非記事
之史所可一言而盡孔子謂後此之學者讀詩而
知泮宮之作爲春秋不再見之事是以未錄於春
秋而非春秋之有故而不再見也靖江爲吾郡屬邑

邑最後地狹賦少而文學之士蒸蒸蔚起閩中鄭
公來令於此一年人敬而服之二年人懷而安之
三年人愛而慕之四年人治而化之五年人習而
忘之凡公所以教靖之人土者靡不備具靖之人
士所以被公之教者靡不備至而學宮積久傾壞
公於是喟然嘆曰學宮所以教吾士也圯敝而不
修是吾之責也於是自捐廉俸鳩工爰度舍其故
而新是謀俎豆之庶楹桷有閑典學之署棟宇咸
飾夫靖地南接吳會北接臯泰先是時其士樸其
民健於鬪公來則力崇文治加意於校試靖之士
美秀而文者不可指數勸農桑疏溝洫緩刑獄靖
之民盜息而訟平教化大行民用和治此真小大
從而羣醜屈矣然則今日學宮之修固宛然魯人
泮水之遺意也工既竣命荆溪儲善慶爲之序善
慶公門弟子也願與靖人士親不怒之色
笑而其樂之夫豈敢附於史克之作頌也

二十四年恭揭

御書萬世師表匾額於先師廟是歲定以八月二十

七日為先師誕辰

江蘇巡撫湯文正公准部文以蔣尹玉所上孔子生日考行學

質問嘉定縣學生王晉陞上辨疑一篇謂孔子生於夏正八月二十七日公據以覆部遂通行直省

王晉陞辨疑畧諸儒謂孔子是歲十月生於魯襄公二十一年十一月者公羊子也是歲十月庚辰朔數至十

一月中不應有庚子日其年月俱不合謂孔子生於二十一年十月庚子者穀梁子吳氏通考洪善

慶闕里譜系程登甫年表辨證也然以孔子生年七十有三計之當庚戌歲生王戊歲卒若二十一

年乃己酉歲亦誤朱子謂生於二十二歲十一月甲辰

世家合矣然謂十一月則又誤是歲十一月甲辰朔亦不應有庚子日惟以世史類編通鑑綱目前

編參之春秋左傳如出一口斷以孔子生於周靈王二十一年魯襄二十二年庚戌歲十月二十七日

日庚子日周十月夏正八月為今八月二十七日

無疑蓋春秋經魯襄二十一年十月庚辰朔順推至二十二

至二十七日是庚子日六月十日當為甲戌朔數至朔逆推至十月二十七日應計九十三日又恰

是庚子日若蔣尹玉所云九月十五以周正考之二十一年十一月十五是甲午二十二年十一月

十五是戊午俱非庚子日其謬可知

雍正二年

詔封先師五代以王爵改啟聖祠為崇聖祠奉肇聖

裕聖詒聖昌聖啟聖五王神位

三年

詔祀先師以太牢

六年恭揭

御書生民未有匾額於先師廟

十二年知縣舒香修學

乾隆元年恭立

世宗憲皇帝御製平定青海碑於學

五年恭揭

御書與天地參匾額於先師廟

十八年知縣馬鵬飛修學

二十四年知縣朱洛臣修學

二十五年知縣徐玉衡修學

五十五年知縣畢所密修學

畢所密修學引建學之制昉自北宋明祖初政首
詔天下府州縣立學而學制自是大備我
朝因之雖彈丸僻邑莫不殿宇翬飛宮墻鼎煥學
者際

文教昌明之會雖立致青雲必發輒鬢序顧坐視
此翬飛鼎煥者日剝蝕於上雨旁風是亦學校之
闕事也已酉冬予捧檄攝邑篆下車謁廟竊見殿
廡堂舍率多荒畧心訝靖以人文蔚起之鄉何以
至是既而邑紳士呈請捐修具述每年月日江水
為災之故而因不禁慨然嘉歎曰美哉諸生之倡為
此舉也予惟學校之設尊
先師啟後學所以崇俎豆明道術廣教化美風俗
雖極輪奐之美固非徒飾觀瞻已也且予嘗慨人
心之惑也往往好佞佛媚神鬼黃冠緇流更以禍

福因果之說愚之於是營珠宮造浮圖金錢在施
爭先恐後嗚呼盍亦思人道之何地倘取佞佛媚神鬼
而吾儒之所由以致身者何地鳩工庀材革故鼎
之貲移而用之尊師重道之地鳩工庀材革故鼎
新將人化正而人文煥豈不休哉考邑乘靖江之
置邑在成化之七年而靖邑之士為之修廢舉墜踵
八年數百年來皆賴好義之士為之修廢舉墜踵
事增華以迄於今今豈必異於古所云乎予不敏
捐薄俸為之倡竊願與都人士共勉之也予之所
有同心乎幸勿為黃冠緇流所竊笑是則予之所
厚望也夫

嘉慶五年恭揭

御書聖集大成匾額於先師廟

道光三年恭揭

御書聖協時中匾額於先師廟

五年知縣張敦道修學

時張侯敦道署邑篆延紳士
劉文銓朱武筠劉掌銓朱文

瀚等勸捐錢四
千緡董其役事

張敦道重修學宮記旃蒙作噩之病月余代庖靖
邑未及三月有修學一議作小序為士民勸捐並
幾請邑諸君子之誠慤者董其事即蠲吉鳩工未
送也余觀董事諸君修學之意出於至誠潔已首
功坦心腹相示則信其必能服眾感眾襄厥事以
有成固不在余之去與留也迨余文闈事竣已題
補南沙不回靖任徑抵省垣董事諸君以修學
事及添造學署功成聞余嘉諸君子之誠能動人
不數月而樂輸者如此其眾營繕者如此其速是
不可以不記也余自列賢書後飢驅遊幕轍跡半
天下所歷都邑見學宮荒頓埃蕪不治者人文率

鄙陋其俊傑蔚起科甲連綿之區則學之殿宇必
 巍巍峩峩美輪美奐蓋學之興廢可覘文風之盛
 衰矣且夫建學立教必崇祀先聖嚴飭其廟貌者
 凡以俾有司歲時釋奠諸生習禮其下而司鐸者
 又得於旁列齋舍中招集青衿講明三德十倫凡
 在門墻仰知景慕俯思法守日漸月摩處有修齊
 之真出裕治平之本此非建學之美意乎知此意
 以修學則必出於至誠夫至誠焉有不動者哉慨
 自釋氏道興當世士大夫始皆誦法詩書借聖賢
 路徑紆青拖紫逮功名成立則逃而之釋有懺悔
 心有延壽算心有祈福田於子孫心往往有不惜
 鉅金為梵宮浮屠者鄉井細民尤而效之亦遂成
 為風俗今靖邑寺觀絕少其寺觀壯麗者則尤無
 有焉亦可見此邦士大夫誠於尊聖教不惑於他
 歧而鄉人受其薰陶亦志無異向故修學之舉宰
 官與司鐸主其議邑君子董其事羣士庶亦殷殷
 轉轉捐輸惟恐後時以致成
 於不日有此明效也是為記

咸豐二年恭揭

御書德齊懣載匾額於先師廟

同治三年恭揭

御書聖神天縱匾額於先師廟

光緒二年恭揭

御書斯文在茲匾額於先師廟

三年知縣葉滋森修學

附葉侯記余初宰靖邑時歲在丁卯甫下車趨謁
 學宮仰瞻棟宇摧頽凋敝已甚愀然久之爾時大
 江南北軍儲初葺百務旁午蓋未暇議土木也及
 余再來僅十閱月復調他邑而去以為此願不獲

立江縣志 卷六
六
償矣乙亥之秋余於是三葺是邦焉乃得與邑之士大夫學宮弟子倡捐鳩工經始於丁丑二月越兩載而後落成乃為之記曰自聖人沒而大道衰漢儒言訓詁宋儒言性理迹相反也論者病之以為分門別戶流弊甚大然而非訓詁無以承先王禮樂度數之道與夫羣經之繁蹟而探其奧非性理又無以闡斯道之精微而接其統緒二者雖若析而分焉未嘗不同流而合歸也在聖人視之固各得其偏端正無害於道晦盲否塞之秋猶以扶持於不墜若必以破碎鉅旨咎漢儒空疏迂執咎宋儒是則過矣所以見俾學者各因其性之所近由頌學宮無偏廢之見俾學者各因其性之所近由小成而勉大成程朱周邵諸儒從祀廟廡矣康成叔重亦並列焉以為是皆聖人之徒也豈不偉哉唐韓愈氏生平以道統為宗於二氏祛之甚力示天下以防閑特恐好奇喜怪之夫驚歧途而不知返雖唐宋以後儒者恃其才智問趨於二氏者固不乏人然於聖人之道實不能有纖芥之傷是知

日月之光江河之流與天地而無極近日泰西之學流入中國有心者頗以為憂然其說竊佛氏之緒餘而無其微妙淺者不足惑婦孺又何問乎聰明好古之徒是不必為斯文慮也所以慨者世人於鶴觀鷲林輝煌輪奐而聖賢俎豆之地轉以春秋釋菜視為故事破倚臨之何以尊崇而昭儼恪乎故是役也非諸君之竭蹶將事則瘠土何能舉大工抑雖底於成亦不能若是之速也秋仲上丁櫛星胥啟靈鼉迭奏繭栗薦馨踰踰濟濟以虔以肅禮成受胙各凜然於國家典學之儀與夫崇儒重道之意以詩書禮義為作人之根本者於是乎在其縻緡錢若干襄其事者若而人例得並書

宮制

先師廟三東西廡各十戟門三間前有泮池櫛星門
清江縣志 卷六 宮制 七

三茶廳三間櫺星門左祠三間櫺星門右祭器庫一間明倫堂

二間先師廟後明善復初齋各一間明左右齋房各五左

右號房各二東西掖門各一學倉西列今廢尊經

閣七間明敬一亭今廢會膳堂七間今為更衣志道堂

三號舍十二射圃亭今廢吏舍三

崇聖祠三間尊左祠門座一秩祀明知縣王秉燧張

名宦祠三間崇聖祠左陳文燧吳應葉良漸

陳函輝明縣丞韋商臣明教諭何焯國朝訓導劉

世暮馬鳴佩李衛費滄尹繼善祀總督傅騰

塔巡撫徐士林陳大受張伯行宋犖慕天顏

湯斌周國佐馬祐岳起陳宏謀學院張

元臣張榕端余正健張泰交邵嗣堯許

汝霖周系英辛從益劉鼎河院陳鵬年漕院郎

廷極布政丁思禮劉鼎鹽道蔡琦糧道方

國棟韓佐周史啟賢秩祀宋孔元虔明劉乾

鄉賢祠三間崇聖祠右秩祀宋孔元虔明劉乾

朱鳳劉光濟范永齡孫同倫國朝朱應鼎

先師廟歲以春秋二仲上丁日致祭

崇聖祠名宦鄉賢文昌魁星並同日

儒學門三土地祠三間學更衣廳五間土地祠後西

儀門三間

教諭廨集虛齋故址門一間堂五間宅五間

小廂樓一間厨一間後關房五間

寺工係志卷六宮制祭器

訓導廨舊存後關房六間道光五年修學增建廳三間堂五間

祭器

銅香爐座一

銅燭筭對兩

銅酒尊個一

銅爵大小一百十八

隻

帛匣個九

錫籩豆一百四十二隻

祝板塊二

樂器

國朝康熙二十六年頒行太平樂器

嘉慶十六年教諭張福謙勸捐置太平樂器

楹鼓座一

銅鐘口一

石磬面一

鳳簫管二

琴張四

瑟

張二

塤個二

篪枝二

龍笛枝六

祝座一

敵座一

匏

笙座四

紫竹簫枝六

麾旛座一

旌節竿二

搏拊座二

戚把一

朱籥枝二十

竿座二

龍翟枝二十

學田

元山團徐鏡段下沙田一十五畝二分六釐九毫

沈沂段下平田三畝五分九釐八毫 楊正段下

平田十三畝七分六釐四毫 徐鏡段下又沙田

一十六畝五分俱係萬曆三十七年生員鄭維甯

義賑羨銀置

耿公團朱仁段下坍江沙田改灘二畝

永慶團王鐵段下平田一十二畝 張琛段下平田

五畝張仲段下平田一十四畝五分二釐二毫

陳慈段下平田三畝

焦山團鄧學段下平田七十畝零三分一釐

永興團卽小沙團陳楨段下平田一百六十九畝一

分三釐三毫 童松段下平田二百零三畝九分

一釐 孫光段下平田二十九畝七分一釐三毫

夏泰段下沙田五十畝零三分九釐 孫佑段下

平田三畝八分一釐六毫沙田四畝零八釐四毫

鶴洲沙韓甯段下平田十畝八分五釐六毫 尙陽

段下平田二十九畝七分六釐八毫又沙田四畝

一分三釐四毫

以上平沙田計六百一十五畝零九毫折實其平田五百八十七畝零六釐六毫其夏秋每畝租入俱照民家向屬學收儲倉公用教諭王輕定經費之式勒碑茶廳邑人朱家楫稱其簡明切當自明萬歷年間詳定租價夏麥每石收銀三錢秋米每石收銀四錢至二十五年歸縣收管除納條編錢糧餘存悉解學道

續置學田

中洲團孫智段下平田四畝張潮段下平田七畝一

分

丁墅團侯質段下平田三畝八分七釐

焦山團丁欽段下平田九畝一分三釐

長安團陶良段下平田五畝孫甫段下平田五畝一

分五釐六毫又平田三畝三分

太平團劉錢段下平田六畝

永慶團夏琳段下平田五畝張文俊段下平田二畝

七分六釐

元山團呂恩段下平田九畝徐槐段下平田六畝九

分八釐五毫

以上其田七十畝五分零一毫係萬歷四十一年奉撫按二院發銀二百兩又動支本縣多田灘價置買其夏秋租入俱照民家後亦定價收銀歲徵二十四兩二錢一分備學

以作脩葺月課之需
明華亭董其昌開府徐公胤立學田記粵稽三代盛時自國都以及閭巷莫不有學乃其犁然可述者惟尊賢養老之典而羞服匪頌於學則不經見蓋其田以井授而百畝常制外又有餘夫之田故俊秀咸得以自給而心不紛營三代之英所由卓絕於千古也自田不井而士多患貧彼簞瓢屢空惟賢者樂而安之中心雜於功利猶冀輸忠殫赤皇所建立於國家此必不得之數也故蒿日憂士習者在曲體其患貧之心以專其志而吾儒之效可

觀焉我朝右文圖治庠序星布於寰區而三吳人
 文獨甲於天下陽府徐公建牙南土初下車首崇
 儉約以立標準既思職在拊循要在賑窮而周急
 士首四民而家每無常業其間有艱薪火者有曠
 婚姻者有急喪葬者再四念之計非學田之設不
 可會上御極之四十年許墅關餘稅六千七百兩
 有奇公曰易田之需也於是酌其議于直指使房
 公事既竣報其成於直指使薛公僉曰善公遂分
 於三吳而數有多寡視弟子員數以為差靖江給
 銀二百兩公猶曰惠未遍也令有司多方設處以
 廣其仁昔署府事王司理下其議縣令朱侯慨然
 有志從多田價中撥銀四十五兩共易田七十一
 畝零每歲輸課之外餘米麥四十七石有奇沿坵
 履畝親自踏勘悉皆膏腴而濱水近海者不與焉
 此惠士咸賴之世世頌德矣公又慮久而無稽令
 立石於學以示信朱侯以余有師生誼屬余為之
 記余謂易田贍士開府之特恩也砥行立名章縫
 之特操也開府威德並行江海肅瞻業舒天子南

顧之憂矣而軫念孤寒肫肫若是余於是厚厚望
 焉多士受天地之中以生而誦法孔氏孔氏稱君
 子憂道不憂貧誠飽以仁義嫻以禮樂酣以經史
 視富貴如浮雲斯無愧於孔氏之徒若士苴性真
 羶悅世味與時浮沉而漫無表見是湮沒而不聞
 也奚以名士名之不副其若制田之初意何吾願
 多士默體作養盛心砥節礪名以無忝於
 士類其百世而下嘉開府之明賜是為記
 此項田租至
 國朝康熙元年奉文行提前存銀兩一併繳解學
 道

另置學田

永興團送沙田二十八畝

元山團送沙田六畝

焦山團送沙田二十畝係國子監生范函奎捐又界

河邊朱敬洲段下平田六十三畝向屬永定營康

熙七年鄭侯重以奉裁送學以上共田一百一十七畝每年租稅夏三

秋六照歲之豐歉徵收除納錢糧餘存儲學以為修葺月課支銷

附房租

儒學門東臨街房地三間係明嘉靖三十一年邑諭

柴芝以學租羨銀一十七兩置買收租作公費

西臨街市地一方屋三重共十二間係邑人朱正約

造明萬曆三十一年捐學公用每年轎傘夫工食及書手紙張之費

學額

明崇禎十年知縣陳函輝詳請廣額入學三十名時入

學數向止二十陳侯力請於學使元公偉照中縣廣額三十名以為例

國朝順治三年入學無定額

四年裁學額

十三年邑諸生季世祥朱士琪等請廣額於學政張

公能麟題准入學四十名時靖江試畢八月奉部文補考增入新生一十

五名是年一案連府學共四十名定例為大縣但錄科額數尚仍中縣

十八年裁額入學十五名

康熙十六年裁額入學四名特開捐納生員例

二十年復額入學十五名仍行捐納生員例

二十二年罷捐納生員例

二十八年廣額入學二十名廩生增生額數亦如之

總督傅公題請
科舉亦廣其額

雍正元年常州府屬各大學廣額五名

靖舊為大學
值邑令鄭榮

虐士激成罷考案未審結停童子試不在廣額之
數四年調江寧省嚴考入學僅八名後復額二十
名視中縣例科舉亦仍中縣同治五年以軍需廣
額二名永為定例府學自康熙至乾隆間每案酌
撥二三名嘉慶元年四年以廣額撥府者二
嗣至同治五年起每案撥取一名間撥二名

武生額

國朝康熙元年定例歲科併考入學十五名府學二
十名撥

於靖有多至
十八九名者

明知縣陳函輝申請靖江縣歲科兩考入學科舉
廣額議國家取材充賦若薪燠然靖江於郡諸邑
為殿以其設在成化年也邑故隸江陰選舉特盛
迨鬻宇初開成宏以來則有朱紳等若而人正嘉
隆萬則有嚴表等若而人科歲不乏己踰二十餘
輩今文教蔚興士多讀書嫻文辭而舊秋有掄魁
之王瑤乙榜之陳芳樓蓋庶幾彬彬稱秀出焉令
甲以戶口貢課定官師之上下而選舉因之戶口
日繁貢課日廣而選額猶少儉焉非所以示平靖
江之戶以萬計口以三萬九千餘計丁根舊額新
餉加增至六萬有奇於常郡不啻小於他邑不啻
大矣邑故稱中二十年前考取入學已二十七人

原案可據何至於今而畜之查科場秋闈解額大約中式一名以三十名為率科舉與進學之額亦如之此天下通例也今本縣童生之赴試者千有餘人則比中縣之例考取三十名原不為過念國歲歲課諸士以扶植人材為本計以斟酌元氣為家歲課諸士可以化荆榛禮樂可以治兵革棧樸上猷故砥矢可以化荆榛禮樂可以治兵革棧樸作人維新雅意時當多故偏崇禮文此憲台之所樂聞而恩施之所首及者也令曾於當年下第讀書知諸生與童子兩試之苦即上臺在未遇時亦必身經而意惻之是以不避斧鑕而有請焉國朝諸生季世祥朱廷錫朱士琪等呈為懇恩求題升改大學以宏作養事立縣分大小以錢糧之輕重為準取士有多寡緣人才之盛衰為衡靖邑雖僻處江濱然人文蔚起向來科舉四十六名遺才十一名入學三十名舊額似為太隘竊惟本縣國課原係五萬三千有奇在常屬則不及武無江直僅隸中縣較別縣則遠過廬鳳淮揚實為上邑况爾來稅歛增加財賦既為最繁科甲聯翩人才

復稱極盛所當籲憲廣額改作上縣者也近奉綸音州縣應改上下擬奏定奪幸遇大宗師大人械樸作人菁莪造士伏乞開恩題疏改升大學科舉入學俱照上縣定額數目庶德同再造澤及無疆矣

書院

馬洲書院 在南城內原名正誼書院乾隆十年楊侯逢泰因入官舊宅新之門五楹前廳五楹講堂五楹後室五楹室旁側厦各兩楹基地一畝二分二釐一毫二十年康侯曾詔勸邑紳士捐銀六百四十餘兩置平沙課田三百五畝五分後士民陸續捐送田二百六十五畝有奇道光十年邑紳朱基純同從子如金振金從孫志沅捐平沙課田一百畝有奇錢二千四百緡劉泰詹等捐灘田二百畝錢一千緡陳司凱捐錢八百緡田則征租錢存質庫生息其重脩院宇則紳士朱武筠陳

司凱朱文瀚等勸捐若干金以董役事二十九年
 國子生謝錦奉父兆乾之命捐朱守業段灘田三
 百十畝並各段業戶捐灘田一百畝有奇院內餘
 資置沙田一百畝有奇計老岸平沙課田及新沙
 田共一千三百六十六畝有奇歷年收各佃繫脚
 錢亦存質庫生息共錢六千緡山長脩金生童膏
 火每年需費錢一千緡賈侯益謙署篆時以靖舊
 有馬洲書院因詳請易正誼二字仍以馬洲名之
舊馬洲書院 考陳志書院起自聖裔孔元度原在西
 迎恩亭址擴之仍其名先是趙侯應植棘為籬
 中建寶綸堂三楹天章閣五楹堂以迎詔名閣以
 文昌名旁各數楹規制畧備陳侯至相度經理就
 址前及左右市民田十餘畝建門三楹西向署曰
 馬洲書院循道而入左右植梧竹抵中界設柵門
 由門而入有橋登石列欄橋下鑿池深廣數十丈
 可放生池東築石閘通江潮往來可不涸聞南有
 祠祀八蜡橋北成屋五楹稍東成大士閣俱臨池

高可六丈餘軒廳四敞城野山川如列屏循閣而
 西有堂五楹復有新移屋三楹中又成高屋五楹
 後成樓三楹樓左又成新屋前後共十楹左右兩
 翼南向介寶綸堂天章閣又右則新成大屋三楹
 供如來後又為法堂五楹供仁皇四圍撤檠棘固
 以墻垣廊廡皆備時集譽髦結社課藝其中陳侯
 親品題甲乙之中所祀者巡撫大中丞汝南滕公
 昭配江陰令西蜀王公秉彝靖令懷安張公汝華
 此係始叔之功百代不祧者三賢祠以此名若督
 學使者東魯元公偉關中張公鳳翽以廣額作興
 祀司理永城胡公格誠以救荒祀邑令蘭溪鄭公
 錡烏程朱公邦憲瓊山周公奇健壽張殷公雲霄
 巴縣易公幹永嘉王公叔果江陵張公師載雲夢
 景公曰軫南昌趙公益明邑丞孝豐韋公商臣穀陽
 公柱國南昌晏公益明邑丞孝豐韋公商臣穀陽
 朱公繼芳以有功於民祀學博何公燭陳公安劉
 公孳陸公明揚汪公良祝紀公縱羣以有功於土
 祀或移自特祠或采自輿論總之峴首不磨畏壘

長祝與書院

同不朽矣
明知縣陳函輝重建馬洲書院記書院之名從古
未有也自宋開國時創立四所以養賢尊士其後
講學諸儒席以設教勝國因之遂有山長教授諸
官以立之師馬端臨有言州邑之學或作或輟不
免具文鄉黨之學賢士大夫所建土田之錫教養
之規後先相望往往過於州縣其歸功書院有如
此然而意實本諸周禮天子並建四學命司樂司
成專主教事地官黨正各掌其黨之政令教治屬
民讀法及祭祀之禮州長各掌其州之政令教治
考其德行道藝糾其過惡而勸懲之下之族師比
長間胥上之鄉遂師大夫莫不然故士語於郊升
諸成均或以德進或以事舉或以言揚甚至獻書
獻典聘賦矇誦各有所以應軺鐸之求竭芻蕘之
得即不立書院而所為藏修息游者有一之不備
乎國家兩都並建橋門槐市豐鎬雙標下至郡邑
之學第鄉遠溢無所不立而一其名於庠序總其

事於官師然而中衢之尊待叩之鏞隨時隨地有
所因創有所肄習於法令皆無所迂無所禁而不
虞異日者原氏之議日駸駸及之也其一在萬歷
初元柄國者惡聞已過輒毀已成其一在天啟未
葉逆貂盜權怒室色市構禍尤烈蓋禁書院必禁
及道學識者以其興廢視世隆污揆諸往轍固無
一而馬洲書院之址歸然獨存原其命名初意若
完乃渥洼天瑞自吳及今泰山正練縈聖賢之日非
蒙莊恢諧所託於塵埃野馬比也若謹其銜轡則
王良在途時其芻秣則伯樂來顧駉牝盈桑田之
野雲錦在汧渭之間庶幾羶堂驥渚不廢為馬廐
耳寒山子吏隱此中馬骨轉高而市駿頗急嘗欲
畧毛骨去驢黃求所謂日行千里者而相之既為
之葺學舍闢講堂篋業鼓鐘一時俱飭而燕間居
業取諸樂郊夷遠耳目清曠之地則孰有踰於斯
地者築堵興而樂觀成仍其舊署示養賢尊士之
義不以我國褊小而可廢也院為堂若干楹內置

別室一祀三功一祀二惠併前中丞滕公畏壘在
焉凡建邑繕城開創撫循諸烈咸得血食於中俾
出入受事薦闡馨香而益擴從前教養之澤庶幾
土木籩豆舉不為私設乎孔子之言曰大道之行
也天下為公故魯僖宮之繕不書於春秋而余
亟亟於稱名覈實援其舊而新是規也則自宋元
以來廢興之故觸然於心有不容默默而已者後
之君子盍思前數賢者同堂侑饗之故即衣冠絃
誦三不朽之業係焉奈何而
又新建書院文昌閣記馬洲書院成肄邑之譽髦
聯研席其中所以崇文事也復為築基而繚閣焉
以祀文昌其上蓋無宜斯地者今夫通都大邑之
間簪笏輻輳之會奎三成象樓霞為樓慮無不勤
像設虔俎豆者夫豈以是飾耳目哉蓋曰仰以觀
乎天文俯以察乎地理必兩者合而禮典始肇非
他遙濫比也靖之拓疆久建國近其民躬耕力織
不尚巫鬼其士端雅謹厚不外熒二氏之學故禮

禳不妄施金碧不輕繕近者地靈効瑞缺陷忽全
科目漸亨奇穎輩出雖江山之氣以時充塞哉亦
神有以助之耳嘗按天文志文昌六星在北斗魁
前其三曰貴相太常理文緒其北六星曰內階相
一星在斗南相者總百司掌邦教皆關文事斗運
中樞臨制四鄉斗魁枕參首參主戰伐則謂文昌天
文柄而兼司武事矣乃緯書文耀鉤則謂文昌天
府有若宮室然又斗杓連龍角六星為天廟其外
則丞相太宰之位主薦賢良授爵祿廟貌所由興
上天先已垂象矣靖國雖褊小其鄉之先達有自
少宰掌樞庭者有挾勁節官勳卿者其所為理文
緒司武事者固未嘗乏人且靖非延陵屬壤乎當
聖天子吐哺卜甌之時而荆溪武進兩巨公者同
時而出以效其補天浴日之業其他司國計詰禁
旅外而擁纛建旄內而燃藜起草列檠如林堆床
盈笏皆近在百里間山川之秀不有所鬱滯則已
鬱之久而偶際其開膚寸之雲濯漑九有潮汐一
澹自溝澮以迄畝塍無不呼吸立盈者余蓋不遠

卜之天文而近卜之人文有開必先知靖之必蔚
焉以興也或曰功名者道德之枝葉科目者又功
名之假塗今當二方求實行戒浮夸思得文武兼
資之士宣麻授鉞即貴相上將之任不靳以一人
專之天下嚮風協氣流應夫欲昭天庥必先揚主
德予姑記之以歆夫豪傑之無待而興者若祝史
矯舉吾固知其免
矣遂書之為記
又功德合祠記凡有大功德於民則祀之故良牧
之弗可諱也生則有歌適館殿則有咏甘棠彼峴
山之片石桐鄉之坏土與後人何與焉而至於墮
淚增悲封植志感以此著為俎豆之典可以語乎
與觀羣怨之大凡而不愧於古大夫之所稱三不
朽者邑郭之南沿江千入城蓋五里而自中州天
幻再過為喜留亭即今之重建馬洲書院者是也
予初下車曾憇此接見鄉之紳若士與氓見其風
恂恂其意循循有一善必舉其前修以告乎新令
尹因憬然有動曰善哉直道未亡典型如在九京

可作其奉何賢之遺軌乎登其堂而有後閣則以
祀前南昌趙公應旗者再行里許有祠巋然則以
祀慈溪劉公志斌者予因而稽邑乘知此縣建於
成化之七年其前皆以巡簡司攝之今之令君昔
之巡簡也然昔之巡簡羈縻此而有餘今以令君
拊循此而不足則無功於百姓而且虐用之使不
堪命故也雖然豈盡若比來之虎而冠沐猴而冠
者乎靖雖枳棘亦有鸞鳳栖之其初請於朝分建
縣治者則巴縣之王公秉爨也人務廣地而公自
削其壤以開碁布此一念者可無封靡於爾邦矣
而其衝波壽問疾苦多善政以繼之即懷安之張
公汝華與蘭溪之鄭公鉤也蕭規而曹隨之召父
而杜母之以草昧啟文明使麥壠成井邑兩公力
也後乎此有鄞縣之金公洪燃犀而燭炤有東平
之殷公雲霄揮毫而霞起有永嘉之王公叔杲條
理秩如有江陵之張公師載笑言不苟而今之誦
趙與劉造士焉字民焉繕兵焉抑豪右焉兩公固
師乎前之君子而高山可弗仰乎余欲以靖壽二

公而單舉兩公之善弗廣因爲請之督學元公以前之諸公併幕職與學博之有神我士氓者列其祠爲功以志報爲德以志思而卽以趙公所建寶綸堂爲諸生會課之所又以劉公專祠移至此地以類聚其中死者有知相與揖讓斯堂以慨然於古今升降之原民生利病之故舉一靖而大江南北盡如此則全在乎司牧者加之意爾矣余諸君子之後起焉者與有責焉與有勞焉其敢弗述前人之芳躅以告之後人祠成作詩四章以托於登歌之意詩曰孤山之陽有棠蔽日誰蒞誰留君子六七與壙俱高與沼俱深明德遠矣作者如林何以崇之華樾丹楯何以饗之載潔其粢風春雨秋摩挲短碣江水江雲素心映徹

江陰王逢題馬洲書院并序馬洲書院者孔聖五十二代孫元虔昆季所建也其五世祖若罕高抗不羣長於春秋當宋南渡自闕里將之衢留滯泰興見河流達南江詢之老人曰此龍開河也西北通淮泗因歎曰吾洙泗龍泉之支港其在茲乎遂築室河上與其子端志各授弟子業從游日眾乃有菑田百畝人助以力官復其稅戒子孫治生勿求富讀書勿求榮邑大夫嘉之易名龍開河曰敬教示崇化也年六十卒葬河之陽端志克守父道薦辟不就淳祐元年冬泰邑燬於北兵元虔避地是洲咸淳間書院落成教授復如初然皆無後今崇聖寺旁惟破屋蔓草遺像瓦爐而已逢懼變遷殆盡叙其概於壁間後之起廢者得以考焉

蝌蚪秦皆廢靈光魯獨存豆籩漂海國丹蘄暗淮村苔蘚花侵礎蒲蘆葉擁門青春深霧靄白日老乾坤德化三王並威儀百代尊郊麟初隱遜野兕遂崩奔先輩俱冥漠諸生罷講論斷編塵蠹冷遺像網蟲昏盡變衣冠俗終歸禮

義源江南游學士瞻拜敢忘言

知縣陳函輝重建馬洲書院將以較士和前徵君

王元吉韻并有小引靖爲古吳牧地洲上皆荒草

迨我朝改而樹人成化後雲錦成羣或在天路余
考舊志有書院名馬洲肇自勝國而漸入於豪有
力者並其址淹沒之前令趙始叔寶綸堂而輝以
廣其制建閣建祠仰我高山造我及門暇日過而
落成和以志喜馬骨燕臺貴靈光魯殿存草豐
恒十室花放豈孤村近海桃生浪成蹊李在門稱
詩歌闕泮講易贊乾坤不有遺書衍安知古道尊
迴瀾一柱砥赴壑百川奔匠石材粗集諸生業細
論德閑嚴出入賢路辨昭昏漸闢荒榛逕
遙尋泗杏源菁菁終有咏造物復何言
國朝鼎興以來院宇悉燬於兵僅存基址西鄉聖
裔改建於流泗港永寧橋則以祀
至聖為祖師堂納賦仍名馬洲書院其西北半里
許有孔元虔墓乾隆二十八年衍聖公咨江蘇巡
撫飭縣勒石另編圖里永免孔氏
差徭厥後南門外基址亦坍塌矣

驥騰書院

在南門外節孝祠東康熙十一年紳士蕭松齡朱
鳳台朱澂劉鑑劉銘孫文秀潘森倪鑛等建為鄭
侯重課士之地門三楹廳三楹堂三楹左右繚以
垣墻堂東有淨室一楹居守院僧十二年鄭侯擢
行人去院中塑陳忠節
公與鄭侯像奉祀弗替
邑人蕭松齡驥騰書院碑記文昌明神也而人文
之衛也侯民吏也而儒林之宗也神之功不可泯
則侯之德其敢忘哉鄭侯以上即位之二年來尹
我靖通才介節科指不煩要領具絮勲庸日月耿
耿乎余心可記憶而指數也一之歲侯則何以侯
則靖我螟蠹平我雀鼠集我烏鴻矣二之歲侯則
時我耕鎰寢我枹鼓膏若歧穗皖九畹樹藥百畝
歲四之歲侯則三物我子弟滋蘭九畹樹藥百畝
風清而俗潔治成矣治成而更撓之復於亂也於
斯之時侯則何以侯則載其清靜與民休息弛蘇
氏之弓解安于之佩庭草間聞民我若無民吏我
若無吏矣江陔小僻地抗弊困竭佻佻契契悲閔

遐急誰息然矣時惟我侯政用和平民以永寧士
用不罷
當亡念民瘼重循良悃幅之吏久於其職不輕遷
徙侯來且十年十年治其大成侯則何以侯則脩
廢舉墜咨詢纖悉爲此方計久遠問此方之所宜
爲爲之甚有裨而不爲何也問陰陽家言不可信
而可信其說何居問文章命達有徵於人亦驗於
神何神之據也問護國寺之有馬洲書院也寒山
先生之已事可考何文昌之祠之不可以書院兼
也城南隅之郭漢壽亭侯廟之西三茅君之宮東
隙地存焉可營而建也何空荒積紀傷莠草之驕
驕也乃拓其宇乃厚其址繚以周垣立之橫舍閣
道廼其前書院巨其後表孤峯之嶧嶧發神臯之
巨麗思惟報國獨有文章洵哉柳河東之言侯則
延師講藝割精授餐彬彬乎多士橫經賢能蔚起
相率而升司徒升司馬以應今
天子右文圖治之至意伊誰之力神之功抑侯之
德也阿陵臺杞樂只君子世世萬子孫不能忘也

侯諱重字山公福建
之建安人戊戌進士

東川書院

在東門外秦家橋東康熙五十年諸生楊
坦楊方濬黃呂聲等公建爲講學地其條

約所頒悉遵朱子白鹿洞箴堂凡三楹其中中央供
設

先師神位東廂屋三楹乾隆十三年奉學使尹公
會一札立楊黃三君子位西側屋三楹守院者居

之置田二十餘畝以給春秋祭祀
及講學時供億之費今廢久矣

邑人楊超東川書院後記周之隆也在豐鎬而東
遷以後不能復振宋之隆也在河北而南渡以後
日就陵替中間若漢有前後晉有東西唐亦有盛
晚大約始盛終衰異世同轍氣數使然莫能相強
然而孔孟特出於衰周之世橫渠紫陽乃生於南
宋之時若是乎理學之傳不受轉移於氣數亦概
可見矣吾靖東川書院之建褚嵩若先生詳記之
余似無庸復贅顧理學淵源崇實意而黜虛文若

徒騁才華則不必記若按時序事則不可不記若
祇宣揚往日之盛則一記不必再記若欲維持後
日之衰則後記不緩於前記歲丁亥予自蜀解組
歸見吾大兄廉夫五弟林夫率姪懷忠懷清暨姪
孫欽明等每朔望皆詣東川謁聖且約予偕往惟
是瞻仰堂階厯視戶牖不無風雨漂搖之感詢其
原委則以數十年來經理無人以致頽廢若斯幸
吾堂兄履加日夜籌畫毅然以振興為己任并請
敦元守溪二劉先生起而扶持使書院復振是真
所謂繼往開來者故是時邑之學士聞風與慕皆
以詩文相賀頌而履加兄以一人之力俾斯院得
以相延不廢其仔肩道脉挽回氣數豈小補之哉
是蓋前記所未及吾記所不容已者也至於堂之
左有省齋恒齋緩齋三君子位焉則又前此所無
而嵩若先生所未道者自乾隆十三年學使尹公
廉訪三君子得其梗概特命設位院內以風後學
者也余弟兄才望遠不逮三君子并不及履加兄
於斯院愧無所事事然三君子創建於前而克底

於盛余弟兄力持於後而或挽其衰是則予之
所深冀也夫是則余與諸君子所當其勉也夫

崇文書院

在永慶團國朝乾隆二十九年諸生沈
滋萬一夔等勸捐平課田四十餘畝充費

社學

在儒學西明殷侯雲霄遷自縣南面東大門一
間學堂五間中供宋蘇文忠公像邑人沈潮捐

田二十畝充
費今廢久矣

義學

一在邑廟花廳一在北門外斗元宮國朝咸
豐五年馮侯譽駒捐俸倡之勸捐錢一千五百
緡發質庫生息並平沙課田一百畝有奇徵租充
費七年西門外朝陽殿又設一學于侯作新撥五
畝掛耳圍沙田四
十畝增其經費

宣講

康熙九年

頒約十六條於天下

教孝弟以重人倫 篤宗族以昭雍睦 和鄉黨
以息爭訟 重農桑以足衣食 尙節儉以惜財
用 隆學校以端士習 黜異端以崇正學 講
法律以警愚頑 明禮讓以厚風俗 務本業以
定民志 訓子弟以禁非爲 息誣告以全善良
戒窩逃以免株連 完錢糧以省催科 聯保甲
以弭盜賊 解讐忿以重身命

雍正二年

頒御製萬言廣訓於天下

定制每月朔望有司謁

文廟畢詣公所集官吏紳士擇諸生升壇鳴鼓講讀編氓咸會諸鄉鎮令約正約副講讀靖自嘉慶

十八年揚侯承湛擇生員六名以充約正每名給米二石銀二兩今增至十七名自倉不收米後每名僅給錢四千文

鄉飲

明洪武五年詔郡國舉行鄉飲酒禮

國朝因之

制定

正月望十月朔先期肅賓至日具吉服迎賓卽席
司正揚解讀律令酒九行歌鹿鳴南山湛露三章
侑賓獻酬禮畢望闕謝
恩再拜送賓今廢

附嘉定知縣程國棟鄉飲考按禮記制度示掌圖
賓主介僎皆四隅相向而坐蓋本鄉飲酒義其位
置似有明據然考篇內又云四面之坐象四時也
言四面則非四隅之坐矣下文又云賓必南鄉介

必東鄉假如賓西北隅坐當云東南鄉介西南隅
坐當云東北鄉何以但云南鄉東鄉何以又云
東方南方西方北方也介其非隅坐明矣又鄉飲酒
義云賓主象天地也介僎象陰陽也又云介以輔
賓僎以輔主則州縣鄉飲必以齒爵德兼尊者為
大賓以齒德而不足於爵者為三賓眾賓以爵德
而不足於齒者為介蓋鄉飲尤尚齒故為賓而不
足於齒則為介以輔賓主以州縣正官為之僎用
僚佐所謂以輔主也決無稱賓之理賓坐於西北
南鄉主與賓對坐於東南北鄉所謂席賓南鄉北鄉
以西方為上也介坐於西南東鄉僎與介對坐於
東北西鄉所謂席東鄉西鄉以南方為上也決無
主人西鄉之理因隅
坐之誤而并辨之

